


1977
L
1062





Eyn kurtz

gruntlich und war-
hafftig vndricht wie
vnd von wem / gemeyner Gots
dinst vnd geistlich lebē / yn der
Christlichen kirchen / tzu erst
erfunden / auffkōmen / angeno-
men / vnd betrefstiget / vor den
gemeyner armen leyen ges-
macht .



Allen vnd iglichen Christglaubigē menschen den diese schrift zu lesen oder horen fürkompt sey heyl vnd gnade Christi Ihesu vnser seligmachers/ alhie zeytlich vnd zukunfftig in ewiger selikeit vollkommenlich. Nach dem leyder ynn vnsern tagen/ villsichte vmb vnser sunde willen/ der almechtige barmhertzige Gott/ vorhengt/ vnd noch teglich vorhenget/ vns zuvorsuchen/ Wer bestendig ym Christlichem glauben/ tugethen vnd ordenung bleyben will/ vnd nicht aus wanckelmütigkeit/ leichtfertigkeit/ vorwitzze fleischlicheyt/ weltlicheyt/ eyttelchre / rachsals / neid vnd has/ oder der gleychen laster bewegt/ abzutrettē von gesmeyner gotlichen vornunfftiger vnd warhafftiger gutten vbung vnd gebrauch. Darumb vor augen vnd antag/ vil gelertē/ auch vngelertē/ iunge vnerfarne/ vornesene prediger vnd tichter/ sich selbst vnd das gemeyne volck zu vorsuren/ mit irem predigē vnd gedruckten büchern odder tzetteln / ynn zwyfertigkeit vnd absunderüg zu leyttē/ vnderstehen/ auch wyder zuschlahen / zuvorsuchen vnd gantzlich zuvorsuren/ vnd zu vntherdrucken der heyligen Christlichen kirchen zugesatztem Gottis dienst / vnd seyne lieben heiligen als nemlich die sieben tag tzeytten/ Das ampt der heyligen Messe / zusampden geweytten Pleydern/ geystlich leben zusuren/ Keuschheit zu halten/ Clöster zu stifften/ vnd kirchen zu bawen/ sagen/ singen / lesen/ bethen / fasten / wachen et cetera. nichten sey/ noch hynfarder zu zulassen/ besonder gantz ab zuwerffen/ gleych were es alles aus geitzikeyt/ gleisnerey / vnd vmb eygen nutz der pfaffen vnd monchen auff komen/ erdacht vnd gehalten / wydder den willen Gottes

Gottes vnd inhalt des heyligen Ewangelijs/ Auch wys
der alle bruderlich Christliche liebe vnd trewe/ mit mes
hern vnd weytern bosen schantschriefften/ wortten auch
lesterang Gottes des almechtigen vnd seyne lieben hey
ligen/ ausgebreyt furgeben/ vnd eingefurt/ Das aber sol
che vnd der gleychen/ der heiligen Christlichen kirchen
zusetzung/ guter gebrauch/ vnd loblich herkommen/ nicht
aus geytzkeit der geystlichen/ wie sie furgeben. Sonder
meher von den frommen heyligen vettern vnd Gots
dienern/ aus einsprechen des heyligen geysts/ als mildiz
clich zuglauben/ bedechtiglich/ seliglich vnd nutzbar
lich/ mit guter vornunft/ nicht wider Got/ sonder fors
derlich Gotte vnd seynen heyligen zu eren / dancksagung
vnd lobe/ den menschen lebendigen vnd vorstorbenen
zu troste also vordient/ Auch aus den heyligen ewange
lien vnd andern Götlichen schriefften genomen / eynges
setzt vnd bestetiget/ vnd nicht da widder/ als die selbigē
freuelich sagen wollen/ gebraucht vnd vorthumlich ges
halten/ Ob wol menschliche gebrechlichkeit/ sünde oder
schande sich mit eingemischet/ des sich keyn from Chr
sten mensch ergeren soll/ die weyl vnser seligmacher selz
ber sagt/ vnmuglich ist die weltane schande zu sein. Dar
umb etwas auffss kurtzte anzutzeygen / zu welcher zeyt/
wie vnd von weme die Christliche ordnung vnd Gots
lob angehaben/ auff kōmen/ gehalten/ vnd herbracht/
Daraus der gemeyne fromme Christliche mensch/ vor
stehen vnd öffentlich abnemē mag/ was yn dysem thon
warhafftigs oder felschlich erticht/ durch etliche vners
farne/ vormessene lewte/ angeben vnd geredt wirt.

Zu dem ersten das der dienst Gottes / auff Siebē ge
tzeitte des tags/ Gotte zu lobe vnd ehren/ auch zu bedeu

A ij tung

tung das leyden Christi/in der alten ehe/ Durch den auferwelten heyligen Konig vnd propheten David vorordnet/vnd angetzeigt seind/ yn eyner figur vnd bedewtüg der nawen ehe/vñ vns zu eyner lere/ Als Paulus spricht seyn solten/hat der liebe Gotes diener David ime reichlicher vnd ordentlicher/Dan für hyn durch den heyligē Moissen angefangen/ingesetzt vnd vorgenommen/ mit dem er selber die lobgesenge/ so Moises vñd andere/aus eingebung des heyligen geistes erfunden/gesungen vnd gemacht/zu sieben mal yedes tags/offentlich vor dem volcke/Gote zu lob sagen/singen vnd verkundigen lassen. Auch selbest gesagt vnd gesungen/als clerlich steht ym hundersten vnd .xviii. Psalm / vñd ym andern buche der Könige/am .xxij. vnd .xxij. capitel. Vñd ist darnach solicher Gots dienst vnd lob / von seynem son Salomon im tempel/den er gebawt/vollenbracht vnd zu Iherusalem lange tzeit gehalten worden / Wie das ym dritten vnd vierden buch der Könige an etlichen orten vnd capiteln angetzeygt wirt. Aus welchen anseñtlich die samlung/der heyligen Christenheit/ Als sant Lucas yn dem buch der wirkung der Apostel im erstē capitel öffentlich spricht/das nach der hymmelfart Christi/die heiligen Apostel/welche er da mit namen nennet/sampt Maria der mutter Ihesu vnd andern frommen weybern auch seynen brudern / eynmütiglich seyn bestendig gebliben ym gebethe/dann sie darnach vmbforchte willen der Juden / nicht öffentlich ym tempel/sonder in dem hause des abents essens bey cynander gewest vñd gebett. Aber nach der sendung des heyligen geysts/wie yn dem selbigen buche am dritten capitel steht/seyn die heiligen Apostel Peter vñd Joannes/in den

den tempel gegāgen/zu der neun den stunde des gebets/
Gote zu dancken vnd zu loben. Auch wirt yn andern ca-
piteln vilfeldig angetzeigt/wie die lieben iunger Christi
eynmutiglich vnd semplich/die stunde des gebets ge-
halten. Auch den andern Christgleubigen sonder zwey-
fel zu halten angeben vnd gelert haben/wie das nach-
volgende bey den heyligen veteren vnd Christglaubigen/
manchfeltig sich gemeret/vnd gebreitet/nicht aus ey-
niger geytzikeit als die sagen/sonder alleyn aus anda-
cht vnd ynnikeit der frommen hertzen Got zu lob/vnd
Ihesu Christo vnserm erloser/zu sonderlicher dancks-
gung seins heyligen bitteren leydens/die sieben getzelte
teglich zuhalte/cyngesetzt seyn/ Darzu vil Christlicher
Keyser/ Nemlich Constantinus der grosse/ Justinia-
nus/Theodosius/Charolus der grosse/Otto der erste
Sant Heinrich der ander/vnd andere meher/ Auch vil
Christliche konige von Franchreich/ Hispanien/ Un-
gern/Bohemen/Polen/vnd der gleychen mechtige Fur-
sten/Hertzogen/Marckgrauen/ Grauen/Kitter/Edels-
leute/der gemeyne man/ aber die gantze Christenheit/
yn allen landen/vnd vier orthern der weld /aus sonder-
licher hitziger andacht/vnd gotlicher eyngieffung / als
mildiglich zuglauben / Irem leibe vnd gute abgebro-
chen/vnd den Gottes dienern (do mit der Gots dienst
auffgericht vnd erhalten wurde) reichlich zugewant
vnd gegeben haben/von dreytzeihen hundert iaren biss
her/Auch eyns teyls zu vor/bey dem leben der heyligen
Aposteln/als man das yn dem leben Sant Joannes/
Sant Thome/Sant Mathei/vnd der andern lieben
heyligen clerlich beschriben findet/vnd also vil kirchen
vnd gotshewser erhaben/gebawt vnd bestetiget/ewig
A l i j lich

lich zu bleiben vnd Got darinne zu loben. Darnach bey
tzeytten/der lieben heyligen/Sant Basiliij/Iheronymi/
Cirilli/Ambrosij/Augustini/Martini vnd andere/die
samelung geistlicher leuthe auffkōmē/vñ angefangē/clō
ster vñ clausen gebauet/Damit die ym busuertigē lebē/
dester freyer/ane vorhynderung aller weltlichen dinge
vnd tzeytlicher sorgen Gotte fleysiger dienen möchten/
Wie ym anfang der Christenheit/die heyligen Apostele
mit der gantzen samelung gelebet/vnd ym volkommen le
ben zu genommen haben. Der gleichen auch/ane tzal an
dere grosse selige Hebste/Cardinel/Ertzbischoffe/Bis
choffe/vnd vil frōmer heyligen Ebte/Als nemlich sant
Benedictus/Bernhardus/Leonhardus/Darnach sāt
Franciscus/Dominic⁹/mit irem heyligen leben vñ lere/
vorware aus keynem bosen vorsatz od geitzikeit/als da
von geredt/noch vmb tzeitlichen nutz/rhumes/oder
hoffart willen/sonder alleyne tzur ehre Gots vnd der
selen heyl oder selickeit/solich leben angenommen/gehal
ten vnd volendet/yn grosser keuscheit/reynigkeit/demut
gehorsam/gedult vnd andern tugenden/dadurch sie key
ser vnd kōnige/keyserin vnd kōnigin/nicht alleyn das sie
(wie gesagt)Kirchen/clōster vnd clausen erbawt/vnd be
gabt/Sond der vil auch aus dem adel vnd gemeynem
mā beyd geschlechte/bewegt habē/Solchs vñ der gley
chen geistlich vnd gotlich anzunemen/vnd durch gotlis
che hulffe bestendiglich zufuren vnd zuuolenden/mit be
ten/fasten/wachen/vnd andere geystliche casteyung/
nach der lere vnd anweysung sant Pauls/der do spricht
Ich casteye meynen leichnam/vnd bringe den yn eyne
dinstbarkeyt et cetera. Wie auch die heylige keyserin Kōs
tandis/Die heilige Adelheidis/Sie heilige Eliza
beth/

beth/ Die heylige Hedwigs/ vnd der vñ frewillichs ges
schlechts gethan haben/ Als man dauon schreybet vnd
list/ das bey tzeytten/ des heiligen Bischoffes sant Gers
mani/ Auch sant Remigij ynn Franchreich/ bey vier tau
sent andechtiger frawen befunden/ die alle pantzer aus
andacht vnd vmb Gots willen/ an der blossen hawt ge
tragen/ vnd eyn gestrengs leben gefurt haben/ aus vnd
bey dem allen clerlich vnd scheynbalich vormerckt/ vñ
vorstanden wirt/ Das der Gots dinste anhebung vnd
bestetigung/ der Gots hewser/ clöster ader kirchen stiffs
tung/ geistlichs leben/ keuscheit/ reynheit/ gehorsam/ be
then/ singen/ fasten/ wachen/ oder der gleychen tuget sas
me wercke vnd vbung/ nicht aus geitzikeit der priester
oder gleyznerrey von den lieben heyligen gots/ Sonder
aus gantz tieffer andacht/ gotlicher vñnd bruderlicher
liebe/ zu erhebung vnd beuestigung / wie oben berurt/
busfertigs lebens/ eyngesetzt angenommen / gehalten /
vnd volbracht ist/ daraus entlich eruolget / das ye von
keynem frömen recht Christen menschen/ gelert oder vn
gelert/ das keyne geystliche vnd beschawlich leben/ dazu
nyemant verbunden oder gedungen/ kan oder mag for
derlich mit gutem gewissen vnd grunde/ so gantz ab ge
worffen verspot/ getadelt / voracht oder vornichtiget/
vnd das unreyne fleischliche/ weltliche vnd wurcklich le
ben/ yme furgeruckt/ hoche gelobt vnd erhaben werde
Nach deme Christus Ihesus selbist in seynem euanges
lio das beschawlich leben/ dem wircklichen vorgetzoge
vnd gelobet/ Berhalben auch Maria Magdalene zus
gelegt vnd gesagt/ wie sie in deme das allerbeste teil aus
erloren habe/ vnd Martha vmb das weltliche leben ge
strafft oder beruffen. et cetera.

Don

Von dem heiligen ampt der Messe / vnd den ge-
weychten kleydern / hat man dise antzeygung / der heilts
ge Apostel Petrus vrspringlich solle die erste messe ges
halten haben zu Jherusalem / vnd darnach etlich vil zu
Antiochien vnd zu Rome / als seyn heiliger iunger Li
nus / vnd der nachuolgende Babst sant Clemens geschri
ben haben / Wie aber vnd was form oder kleydern er die
messe gehalten / ist nicht clerlich ausgedruckt . Sonder
mit den Worten Christi / als er die ym abentessen gespro
chen / vnd ein gesatzt hat / Item durch den heiligen Lu
cas / in dem buche der Wirkung der Apostel / ist dise anz
zeygung gegeben / Nemlich das die heiligen Apostel /
vnd gantze samelung der Christglauben / bey eynander
gewesen / vnd sich mit andechtigem gebete erynnert der
Wirkung Christi / vnd gebet in der gebrauchung des
brots / vnd austeylung der almosen / Daraus eynem gu
ten Christen menschen wol abzunemen ist / das mit lan
gem erholen der wercke Christi / vnd seyns bitteren leys
dens / Welchs noch bey ynen allen / oder ye dem mehren
teyl / ynn frischer gedechtnus gewest . So durch das
heilige ampt nicht vberyle / mit grosser andacht yn be
quemer zeyt / Gotte zu lobe vnd anweysung der Christ
glawbigen / volendet / Man findet auch antzeygung
das der heilige Apostel sant Jacoff genant der bruder
des Herrn / vnd der erste Bischoff zu Jerusalem gewest
ist / die messe also eyngesatzt / hab mit dem gebete des
Herren als nemlich mit dem heiligen Vater vnser / ers
lenget / das die andern Apostel / als Sant Joannes zu
Epheso / in Asia / auch der gleychen gehalten habē / vñ
aus sonderlicher andacht / vnd eynickheit / etliche gebete
darzu gelegt vnd gemheret haben / doch das die eynfas
tzung


tzung des wort Christi/vnuorwändelt blesben /vnd alle
weg geb'iben sein. Nach den heyligen Apostoln/ die als
le eyntrechtiglich die tzeit der messe/als nemlich vff den
morgen vorandert gehalten vñ vorordnet/das der Her
re auff den abent gethan/Haben die heyligen Peter vñ
Pebste/sonderlich der Babst Alexander / des namens
der erste/ein heiliger grosser merterer /die gebete / so yn
der stille gelesen werden als nemlich wie der Herre das
brot erstlich gewandelt et cetera . auch die geweichten
Pleider/vñ das geweichte wasser/den Christglewbigen
zu trost/hliff vnd andacht aus gotlichem eyngeben/son
der zweyfel/vnd nicht wider Got/als die andern sagen
auff gebracht vnd eyngesetzt hat/ Welchs nu die Chr
liche Kirche bey .xliij. hundert iaren/als die Cronicken hal
den/vnd mitbringen/also trewlich gehalten vnd geubet
Dem selbigen heyligen Babste haben geuolget / aus
gleychmessigen vrsachen/vnd nicht aus hoffart geitzts
ckeit oder eygnem nutz/die weyl sie alle / wie offentlich/
yn armut vnd voruolung gelebet haben/bis an ir ende/
als nemlich sant Sixtus der erste/sant Thelesphorus/
sant Niginius / sant Pius des namens der erste/ sant
Anicetus/sant Sother/sant Eleutherus/sant Victor/
sant Seuerinus /sant Calixtus / Alle heilige merterer
vnd diener Gottes/Sie alle zu dem ampt der heiligen
Messe/die geweichten Pleyder/die Pelche/die Corporal/
wo von die gemacht sein sollē/Wen vñ wor'vff die mes
sen sollen gehalten werden/vorderlich vorordnet vñ aus
gesetzt/bedeichtlich/loblich/vnd heilicklich nicht an
derst dan die ere Gots vnd selickeit der menschen/ dar
ynne gesucht vnd begert. Item darnach von dem Bab
ste sant Sixto dem andern des namens / widerñb vors
nawet

nawet/vnd vil aus sonderlicher andacht dartzugesetzt
samt den nachuolgenden Besten sant Felix des nas
mes der erste/sant Dionysius/sant Luitianus/vñ aber
von dem heyligen sant Syluester der gleychen gehalten
auch von den geweichten Kleidern der Priester/der Dia
con vnd Subdiacon vil vornemet /der gleychen seynen
nachuolgenden sant Marco/von dem glauben zu sing
gen vnd zu lesen yn der messe vorordnet/die vast alle bey
eylff oder zwelff hundert iaren nicht gelebt. Darnach
bey tzeytten des Papst sant Damason der mit wirclich
des heyligen Cardinals sant Jeronimi yn Gots dinst
ste vnd yn dem selbigen ampte der Messe / aus vorigen
ursachen vorordnet/ zu letzt / bey tzeytten des heyligen
Bischoffs sant Ambrosij/vnd sant Gregorij des heylig
gen Papsts/der bey neunhundert iaren vngewellich/nis
cht gelebt yn die ordnung/ singen vnd lesen des Gots
tes dinsts/vnd sonderlich der heyligen Messe / wie es
itzt die heylige Christliche vnd Romische Kirche/ yn clös
stern vnd kirchen gebraucht vnd helt / Auch zu halten
vorordnet vnd gebotten hat/ Auch fast vber die gantze
Christenheit bis her gehalten ist worden / aus dem als
lem befindet sich clerlich vnd warhafftiglich / das die
einsatzung der Romischen kirchen/in dem Gots dinst
dem ampt der heyllgen Messe/ kirchen vñ clöster zu bau
en/geistlich leben zu furen/ keuscheit zu halten et cetera.
nicht aus geitzkeit der Priester/noch aus keyner bosen
sachen auffkömen vorordnet vnd gehalten/ Sont aus
eyngebung des heyligen geists/ von Christus Ihesus
zu letzt offentlich gesagt/der wirt euch eingeben vñ lern
nen alle ding/durch die heylige Peter/die es selbst also
auffgenommen vorordnet vnd gehalten haben. die ye bil
licher

lcher vnd sicherer zu glauben vnd zu volgen ist/ dan
den obgenanten aßterkößern gelerten/ oder vngelerten/!
eyns bosen lebens oder lere/ also auch ob gleych eyn En
gel vom hymel vns anderst lernen oder eynbliden wol
de/ wie sant Paulus sagt/ Solte ye den selbigen heyligē
Vetern von dem rechten vorstand des Euangelions vñ
aller geistlicher obseruantz/ mehr zu glauben seyn / Dan
den vnerfarnen fleischlichen vnd vormessen Jungen leu
then bey vnser getzeyten/ Las sich darumb nyemants
die gebrechlichkeit der geistlichen abfellig machen oder
bewegen/ So wir alle arme gebrechliche sundere seyn/
Got kan es bald mit ynen bessern/ vnd vber die andere
grossern fall vorhengen.


Es soll sich auch nyemants ergern oder vorwunde
ren/ das dise antzeygung / nicht mit grossen allegaten
oder schriffen als man wol thun möcht geschmuckt ist
Dan sie alleyn vor den armen gemeynen leyn gemacht
vnd zu samen gebracht/ der warheit (die keyn schriff be
darff) zu gute/ Wie auch ym anfang der Christlichen
Kirchen/ die heyligen Apostel/ vnd andere antzeiger der
selickheit/ wenig oder gar keyn schriff daruber gefurt/ ha
ben alleyn den weg der selickheit/ vnd das wort der war
heit/ dem gemeynen volck für geworffen. Ist yderman
frey vnd vngedrungen gewesen/ das selbige zu fahen vnd
anzunemen oder fallen zu lassen/ Got vorleye vns allen/
seyne götliche gnade/ liebe/ fride vnd bestendickheit zu sey
uem götlichen lobe vnd eren Amen.





B.I.G.

Farbkarte #13



Eyn kurtz

gruntlich vnd warhafftig vndricht wie

vnd von wem / gemeyner Gots dinst vnd geistlich lebē / yn der Christlichen kirchen / tzu erst erfunden / auff kōmen / angenomen / vnd betrefstiget / vor den gemeynen armen leyen gemacht.

